

Keimah cu Sumzuan phun Zokhua kekta ka si i ka pa Rev Sang Fen le ka nu Pi Kawl Dong nih 1933 kum April 1 Zaiteni chunlaicei suimilam 12 ah an ka hriin. Zokhua Sianginn in 1948 kum ah tang 4 ka awng i Hakha High School in 1952 kum ah tang 7 ka awng. Pyin Oo Lwin Colgate Memorial High School in 1958 kum ah tang 10 ka awng i Tibual Sianginn ah JAT le Zokhua Sianginn (Middle) ah JAT (Head) in kum 2 ka tuan hnu Mandalay University in 1962 kum ah I.Sc (B) ka awng. Hi kum ah Mandalay University Chin Student's Association ah President ka tuan. Faculty of Education, Yangon ah B.A.Ed I le II ka cawng i Yangon University Chin Student's Association ah President ka tuan than. Degree ka lak hnu 1964 kum in Zokhua, Tlauhmun, Lungngo, Surkhua Sianginn fehna ah Middle Head ka tuan i 1971 kum ah B.Ed ka awng. Hakha Township People's Council Executive Committee Secretary le Inspectorate Committee Chairman rian cu 1978 kum in 1985 kum tiang ka tuan. Teddim, Hakha le Falam High School ah High Head in 1991 kum tiang ka tuan i Setoketaya le Hakha ah 1995 kum tiang Township Education Officer ka tuan i mah kum cun pensen ka la.

1995-2006 kum tiang CACC New Readers' Project Director ka tuan. 1999 kum ah BRE degree CCC in ka la i 2006 kum February 25 ni ah Doctor of Divinity degree cu International College of Bible Theology, Sekeston, Missouri, USA nih an ka pek.

B.A.Ed I ka awn kum 1963 kum April 4 ni ah Sayama Sa Tum he Rev Mang Kung nih kutsih lehthahnak a kan tuah i fapa 3 le fanu 2 kan ngei. Mah kan fale hna cu: Ni Nawn, Lian Peng (Ifeicia), Tluang Za Tu (Ifeicia), Hmung Luai le Aye Mya Zing Caan an si.

Keimah zong March 31, 2006 kum in NRP Director rian in kaa din.

My motto: "Obey your duty and Respect your time"

Bawi Hu

Keimah cu Zokhua mi Sumzuan phun ka si i ka pa Rev. Sang Fen le ka nu Pi Kawl Dong nih March 19, 1935 ah an ka hriin. Zokhua Sianginn in 1949 kum ah tang 4 ka awng i 1956 kum ah Hakha High School in tang 10 ka awng. 1960 kum ah Yangon University in B.A ka awng i 1963 kum ah Serampore College in B.D ka awng. 1963 kum ah Zomi Baptist Theological School (ZBTS) ah saya ka tuan i Falam Baptist Church zongah pastor ka tuan. March 15, 1964 kum ah Hakha Baptist Association (HBA) civuipi, Thantlang Farrawn khua ah ordination an ka pek. March 1-3, 1973 kum Falam Baptist Association (FBA) civuipi Ramthlo khua ah Falam Baibal ca lefthu ah an ka thim i January 1, 1974 kum in Baibal ca cu leh hram ka thawk. Cun 1978 kum in 1979 kum tiang Hakha Baptist Church ah Senior Pastor ka tuan. February 1979 kum United Bible Society (EC) mejing England ah Translation Consultant (Baibal Chektu) rian an ka pek i 1980 kum ah Emory University in M.A ka awng i May 13, 1985 kum ah Ph.D ka awng. Cun December, 1985 kum ah Ihla 6 chungah Linguistic ka awng fawn. August, 1986 kum in UBS ah caantling rian ka thawk i Guam ah kan um. Falam holh in Baibal ca ka lehmi cu 1992 kum ah a chuak. UBS ah caantling in kum 23 ka tuan hnu March 2002 kum in pensen ka la. Pensen ka lak hnuah Falam holh in Bible Commentary ka tial cuahmah. April 26, 1964 kum ah Sayama Klem Kyin he Rev. Robert G. Johnson nih kutsih lehthahnak a kan tuah i kan fale hna cu: Van Lian, Za Lal Thawng, Lal Hre le Dai Dim Par an si.

Stephen Hre Kjo

2007 kum